




Projet promovût di 'La Vôs dai Furlans' e 'ARLeF'

# MAMAN

la VÔS dai FURLANS

Lu saveviso che...?

Tra lis tantis creaturis magjichis che a son in Friûl, cualchidune e fâs pardabon pôre! La Mari de Gnot, par esempi, e je une femine triste vistude di neri che, vie pe gnot, e passe a puartâ vie chei fruts che no si compuartin ben. Il Boboròs, invezit, e je une figure misteriose che nissun al sa ben cemût che e je fate. Ancje lui al cîr fruts dispetôs e capriçôs, e ju bute intun grant zei che al à simpri cun se. No stait però a vê pôre, fruts, a son dome personaçs di fantasie!



IL CARTON DE SETEMANE



Tes Tieris dal Nord une liende e conte di un pes ros che al invere i desideris. Sedna e Horaci rivarano a cjiatâlu?

Cjalìn insieme la pontade di Horaci "Il pes ros" su



## Dissegne tu

E par te, cemût isal fat un Boboròs? Dissegnilu chi sot

## cumò fâs tu!

Cjale ben chescj mostriçjs e rispuint: cuâl aial la code plui lungje? Cuâi àno plui di dôs çatis? Trops voi rivistu a contâ?



Parcè lis striis doprino lis scovis par svolâ? Parcè che i aspiradôrs a pesin masse!

Ridi a plene panze!

Pagine curade dal Sportel Regionâl pe Lenghe Furlane de



Vuelistu tornâ a viodi lis pontadis di Maman!? Cirilis su



ANCJE 'ON DEMAND' SU telefriuli

Cjale lis gnovis pontadis su telefriuli

Vinars aes 18.30 e in repliche domenie aes 7.00 e aes 13.00

## STELIS E LUSIGNIS Noa



**Roc.** Tu âs di frontâ un biel dubi: restâ leât ae vite di ogni di o fâ un biel viaç? In ducj i doi i câs, tu risolvârâs cuntun truc.



**Gjambar.** Sta plui dongje a fradis e amis parcè che a podarèsin dâti il consei just.



**Balance.** La energjie di chei dîs achi ti puarte a fâ une vorê di sport, ma une energjie compagne no tu le âs intai rapuarts cun chei altris.



**Bec di mont.** Intes discussions in famee tu âs di vê un grum di pazienze e no tu âs di rabiâti. Cussì dut si sclaris miôr.



**Taur.** Tu vuelis gjolditi une vite comudê e plene, e par vèle tu fasis tancj sfuarçs, atent però a no lassâ indaûr la famee.



**Leon.** Par frontâ ben il doman tu âs di dismenteâ fats e personis leâts al to passât.



**Sgarpion.** Tu sês plui viert cu la int e chest ti permet di cognossi personis gnovis, cualchidune e pues diventâ amie.



**Agarûl.** Ti è vignude tal cjâf une persone che no tu viodis di un pieç, tu fasis ben a clamâle.



**Zimui.** Tu âs tacât l'an plen di fuarce e voie di rivâ, lis stelis a son de tô bande, ce vuelistu miôr di cussì?



**Vergjine.** La Lune e à voie di fâti cualchi dispiet e cussì, biel che tu ti gjoldis un moment di pàs, jê ti fâs un çopedon.



**Sagjitari.** Tal lavôr tu rivis a meti in pratiche lis tôs cognossincis e i coleghis ti disin grazie.



**Pes.** Alc di chei che ti son intor no ti convinc, tu fasis ben a fâ cualchi pas indaûr e a no cjàpâ nissun impegn.

